



16. dec. 2016

Inatsisartuni suleriaasianni § 37 naapertorlugu Naalackersuisunut imaattumik apeqquteqarpugut.

Naalackersuisunut apeqqutit:

1. **Naalackersuisut nunatsinni "Piniarnermut Aalisarnermullu Nakkutilliisut" amerlinissaannut pilersaaruteqarpat?**
2. **Uummannaq-mi piniarnermut aalisarnermullu nakkutilliisuerunnikuuvoq, suna pissutaava? atorfik Uummannami inuttalerneqaqqinniarnepa?**
3. **Nunatsinni piniarnermut aalisarnermullu nakkutilliisut taamaallaat 11-upput, qassinik sumilu ilaniarneqarpat?**
4. **Qaanaaq-mi Kullorsuaq-milu, aamma Tasiilaq-mi pilersitsisoqassava?**

(Inatsisartuni ilaasortaq Knud Kristiansen, Atassut)

Tunngavilersuut:

Nunatsinni aalisarnikkut annertunerpaamik nunap karsia isertitaqarpoq, sumiiffiillu inuussutissarsiornikkut ingerlanneqartut aalisarnikkut tunngaveqarput.

Taamaattumik pingaaruteqarluinnarpoq, piniarnermut aalisarnermullu nakkutilliinerup tamakkiisumik ingerlanneqarnissaa, soorlu; tuttunniarnerup nalaani, umimmanniarnerup, eqalunniarnerup, paasisitsiniaanerit, susassaqtunik suleqateqarneq, eqqissisimatitsinernik atuutsitsineq, akuersissutinik nakkutilliineq, inatsisit atuutsinneri.

Sumiiffiit ilarpassui pinngitsoorneqarsinnaanngitsumik pisariaqarput, soorlu: Qaanaaq, Uummannaq, Tasiilaq, kujataanilu.

Aamma Atassut-miit isumaqarpugut, nunatta avataaniit isigineqarneranut annertuumik pingaaruteqartoq, aalisartoqarfiunermit, nakkutilliineq aamma pingaartinneqartoq.

Kiisalu aalisarnermut akuersissutinik akisussaaffik kommuuninut tunniunneqartussaavoq, taassuma aamma kingunerissavaa, piniarnermut aalisarnermullu nakkutilliisut suliaasa annertusinerat.

Kissaatigissavara ullut qulit iluanni apeqqutit akissuteqarfigineqarnissaat.